

秋  
佳  
軒  
詩  
餘

秋佳軒詩餘卷六

金陵易震吉月槎著

濮水南洙源岸覺點

臨江仙

送友人春試

萬卷一時真得力。玉堂直上天高。關山迢遞莫  
言勞。順風今日舉。只似送鴻毛。○馬踏京華新  
氣象。少年文雅風騷。別君歸去臥蓬蒿。待看春

月柳。遙憶綠羅袍。

秋日

莫道秋光看太淡。淡中儘有佳秋。除將黃菊綻  
枝頭。楓霞燒遠岸。荻雪覆前洲。○醉水無如今  
日快。放開一葉扁舟。水邊園館趁良遊。剩蕉堪  
着筆。無句不風流。

幽居

跨馬風塵千萬里。而今意懶情慵。樓高百尺擬

元龍。鳴頭春綠漲。螺髻晚青濃。○三友歲寒難  
缺一。種梅種竹兼松。朔風咏月快心胸。蓀門無  
客過。終日白雲封。

詠梅

誰向江南栽遍了。是天付與清華。小橋流水一  
枝斜。艷開渾是雪。香到認爲花。○無月也應看  
得見。但將瘦影全遮。清光却望放些些。先春逢  
此景。好醉野人家。

懷友

萬里尋思江海客。浩然天地清秋。窓鳴紅葉晚。  
風愁孤螢明淺水。新鴈落圓洲。○月小山高光。  
乍起。凭闌須上層樓。幽人心事澹無求。遙知涼  
露下。恰好放漁舟。

春日送別

易醒無如今日酒。雨情各自匆匆。勸君須盡此  
杯中。西園人一別。帶去許春風。○雌伏終非男。

子事出門交豈無功。仰天大笑快馳騁。四蹄香  
氣入千里。落花紅。

贈祝

矍鑠據鞍身正健。九臯調鶴蹕蹻。枝棲腹飲最  
安便。山林真作用。烟火老神仙。○戶外庚星今  
夕燦。凌雲玉樹長鮮。爲持香醞到君前。一杯相  
勸飲。歲歲啓華筵。

野情

離却小汀鷗和鷺。野情更與誰親。相逢都是暫  
時人。青銅三百箇。一斗甕頭春。○月上闌干皆  
筆意。替花婉轉傳神。此生嫌俗不嫌貧。烟霞成  
結習。山水作芳隣。

### 出門

曉夜遙雞呼我舞。出門笑別山妻。春風十里杏  
花齊。臨岐雄逸騎。顧影一驕嘶。○莫道近時吟  
管禿。高情到處留題。丈夫不肯在塗泥。劍方飛

出匣。氣合化爲霓。

除夕

有酒且謀今日醉。無錢絕沒些愁。一年光景恁  
悠悠。桃符新舊眼。曆本閱從頭。○衰矣要人扶  
跪拜。少年肯諒余不。明朝開闢另春秋。心閒還  
覓睡。足嬾不辭遊。

湖上

卜築殘山剛一角。馴禽意與人和。東風湖面軟



于羅因吟成小步。仗醉發狂歌。○光自何來如  
許白。海天初駕纖阿。冰壺濯魄峭寒多。若非詩  
共酒。如此一宵何。

閉門

可怪開門偏有事。閉來十日深山。壞牆雨結老  
苔斑。養成無數嬾。討箇逼真閒。○一日果堪當  
兩日。從前悠忽中間。不須對酒始開顏。柳邊風  
嫋嫋。花下水潺潺。

途雪

送客疲驢蹄欲折。游魚濠上都潛。同雲化作水晶鹽。在家貧亦好。棲煖舊茆簷。○此日千人誠不可。袁安高臥何廉。征途鶴髮莫嗔添。片時風力緊。白盡楚山尖。

其二

鑽入巾車寒刺骨。千崖生意幽潛。謝家擬絮更猜鹽。寥寥僮僕輩。氈帽已堆簷。○何必青州從

事也。主人村味元廉。一杯剛盡一杯添。欲裁詩句謝。凍管待呵尖。

其三

凜凜天風來自北。山中此日僧潛。不愁一路食無鹽。儘教儲富歲。何碍壓窮簷。○行到溪橋香撲鼻。梅花標格清廉。前村酒價定應添。相逢人盡老。白了兩眉尖。

壽其翁

心事人間都費盡。枉教頭上凝霜。看翁模樣與誰方。仙人騎白鹿。髮短耳何長。○夜靜兒孫齊誦讀。聞聲起舞如狂。百年三萬六千場。更從今日始。日日醉爲鄉。

### 冬事

燈火圖書冬夜稱。素濤碧玉芳甌。寒雲不度擁江樓。雪將殘臘餞。梅把早春偷。○遜白輸香爭未已。兩般都費君籌。抱梅和雪臥山頭。千鍾桑

落酒。一件木棉裘。

送別

山驛水村多少路。留君不住。生愁無窮別意正  
盈眸。東風先染柳。吹綠到津頭。○歸去來辭應  
讀過。倦飛一語知不。行行便好把身抽。莫將裘  
一領。待感異鄉秋。

赤石磯泛舟

萱草綻開金鳳嘴。是誰謂我心憂。旗亭買酒去。

登舟。天將明月付人。作好詩酬。○柳浪和烟搖  
一岸。中間雜見葵榴。爲看山色泊磯頭。杯盤嘗  
郭索。雲木叫鉤輿。

贈祝

只有莊椿稱上壽。八千歲一春秋。定須此物獻  
君侯。夜來師曼倩。解把老枝偷。○唱箇臨江仙  
底曲。眉端不掛纖愁。大家劇飲醉方休。追懽筋  
力健。更上一層樓。

前題

黃髮垂金吾老友。乾坤七十春秋神。清骨聳道  
家流。無錢忻有子。有酒竟無愁。○細草踈松塵  
不到。寧須方外丹丘。看君老氣與雲游。已知龍  
是李。誰謂蝶非周。

清明

紫綺着來無踏處。共言今日清明。箇人携伴遠  
余行。柳邊飛燕影。花外作鶯聲。○老髯挿將楊

柳葉而今綠色重生。一般恨事總難平。紙灰如  
亂蝶。日暮遶墳塋。

秋日山居

墜葉飄來如雨響。芸窓幽夢俄驚。秋雲孤起一  
山橫。樹空鴉競入。農困犢猶耕。○此地有何絲  
竹亂。磁杯酌酒心清。東籬霜落蕊初生。餐霞登  
小嶺。或可比殘英。

小憇



道上炎蒸圖小憇。主人一屋平岡。埋名隱姓不  
須詳。種瓜應是邵。畜竹可呼王。○說甚滯朝朱  
紫貴。難污此老雙眶。暫時聊解葛衣裳。微涼生  
此處。踈雨在何方。

### 田家

闌箇柴門秋草裏。寥寥一犬迎賓。主人眉異往  
時顰。田禾千頃熟。雨水半年勻。○壞壁苔花凝  
厚碧。風光無舊無新。携尊閒過綠楊津。山川淳

朴處疑有葛天民。

竹下

一竹斜通山舍遠。扶筇野鳥追隨。林間逢着舊  
相知。偶成閒說話。共對綠鬚眉。○曉露細勻竿  
上粉。忍將節剝題詩。爲何無雨濕輕絺。晚陰搖  
更密。涼翠下無時。

九日菊

一自呼君爲隱逸。東籬分外清幽。都無蝶戀與

蜂謀。西風吹不謝。沾斷白雲秋。○除却清明惟  
九日。世間好景難留。解冠落珮且休休。登高臺  
上看。黃了醉人頭。

### 小園

點石祇須三兩塊。小園隙地無多。春風牽上舊  
藤蘿。塵雄姑置。虱筆拙矣希鵝。○幸傍莫愁湖  
畔住。美人一曲清歌。金樽綠酒湛微波。君看眉  
宇內。曾有皺紋麼。

和友人韻

偶把絳唇嘗綠蟻。郎情薄似村沽。梧桐雨滴二  
更初。燈前人有淚。天外鴈無書。○別後風光都  
已矣。臨行叮囑成虛。殘荷衰柳愈瀟疎。薄情休  
重怨。薄命待何如。

秋旅

鄉樹迴眸都杳杳。無端遠水遙岑。怪余違了舊  
時心。旣偕雲出岫。應共鳥還林。○秋氣一程程。

漸老。沿途木葉蕭森。故山知有鶴招尋。幽篁明月下。歸去靜彈琴。

其二

聞道聽猿人最苦。淚流聲不須三。踈砧客裏更難堪。鳥呼行不得。人唱望江南。○可已斯已而已矣。心將荷蕢同參。夕陽山色變成藍。定投村落宿。遠樹小于簪。

玉樓春

九日

登高不必遮疎帽。羸取快風頭上掃。持杯大叫  
萬年狂。賞菊細思三徑妙。○楓林尚有斜暉照。  
今日山中秋氣浩。浮生能度幾重陽。拍手忻看  
兒輩笑。

其二

一年只有今朝好。醒眼看花花也笑。三杯兩盞  
坐筵歌。盤底報。盛螯蟹到。○都將落帽爲詩料。

仔細看萸傳杜老。不同平日去登山。須上最高。  
搔首眺。

其三

吾家薄醞藏之久。佳節偶逢邀勝友。昔年徵士  
屋邊花。今日老人頭上有。○荒籬吹倒扶持後。  
小者如錢大如手。便無肴核也無妨。霜蕊浮杯  
堪下酒。

其四

可能相約王弘至。手裏烏藤殊遂意。秋山端不  
讓春山。請看今朝添上翠。○黃花已作霜前醉。  
返景入江紅鴈背。風流兩字古來難。把酒越思  
元亮輩。

其五

山能媚客行遊裏。水不藏秋看見底。歛襟此日  
獨閒謠。筭只有淵明而已。○一年佳序能逢幾。  
屈指重陽還土巳。但教觴詠日相娛。晚節春朝



無彼此。

其六

愁中不記秋深淺。起看東籬黃菊艷。快教頭着  
接籬行。只怕尊開螃蟹欠。○千村已弄砧聲徧。  
萬物還隨金氣歛。明年此會莫先籌。且喜登山  
今日健。

其七

虛吟秋飲黃花酒。今日杯兒方到手。稔知明日

蝶生愁。自那一杯杯到酒。○無邊快活腰辭綬。  
我醉欲眠君去否。丈夫要盡眼前懽。不願人知。  
千載後。

其八

月槎先生名士氣。飲酒讀騷無別事。節逢登眺。  
有輝光。山到重陽多意思。○前峰險仄無人至。  
與爾相携芒屨試。老蛩幾個尚悲秋。新鴈一行。  
初擺字。

其九

土人爭佩萸囊走。自是汝南風俗舊。門前病柳  
畏深秋。巖背霜英矜獨秀。○凭高風自西來驟。  
淺水波紋還細皺。凝眸不見那龍山。想到酒闌  
人散後。

其十

古槐枝上玄蟬寂。近岫杯頭秋翠滴。飛來如雪  
許多花。瘦了前江蘆與荻。○肥螯巨腹今須喫。

過此浦寒難再覓。誰將九日接中秋。看月初完。  
催看菊。

### 山行

清江聲裏寒家住。左有梅花右桃樹。山將雨至。  
作詩酬客在巖棲。携酒去。○東谿草塞初成路。  
路上樵夫遺隻屨。我來孤鶴悄追隨。一步將伊  
一迴顧。

### 卽事

無峰不似名人畫。我在畫中騎瘦馬。山橋架水  
仄將危。花竹藏溪秀而野。○果何爲是栖栖者。  
有許幽懷難放下。要看六代古瑩碑。載訪三吳  
春草社。

秋日山中

青藜老叟蒙提挈。黃絹外孫難剽竊。看花將過  
壯年年。把酒最憐秋月月。○山中天地繇來別。  
虫響啾啾泉響咽。無端闖入碧筠叢。細數一竿

凡幾節。

初夏

酒搖紅浪風吹盞。蕉葉初長新竹短。林塘泛碧  
鴨身輕。麥隴敷黃鶯舌懶。○偷閒忙裏多君勸。  
事減因加餐淡飯。夜來相伴老蒲團。山樹影堆  
窓上滿。

江行

九華飛出青陽縣。今日江行風又便。短篙斜刺

水中山廢艇靜巢沙上鴈。○浮空一派真如練。  
獨坐手持冰雪卷。少焉明月到蓬窓。濁酒香芹  
村價賤。

和韻

羣花日炤紅生燄。門戶兒家春晝掩。鶯喉似笛  
嫋餘音。蝶翅如銀兼黑點。○踏青隊裏嬌顏忝。  
帶恨眉兒山色歛。偶逢飛絮上羅衣。漸怯空房  
陳竹簟。

細雨弄輕絲。午夢醒時。梨花瘦却許多枝。廿四  
風將吹送盡。老了鶯兒。○擬作送春詩。怕費心  
思。山中遊屐到來遲。小石戲尋鋪滿案。也當圍  
棋。

### 庭樹

庭樹密陰屯。階上苔痕。野人家住杏花村。昨夜  
江頭新雨過。水遶柴門。○紫燕返黃昏。故壘猶  
存。眼看竹徑長兒孫。明月倒行天也笑。酣縱金



秋非 詩餘 尊。

詠菊

密葉綠如烟。霜蕊堪憐。先生酒興儘狂顛。自咲  
貧囊羞澁甚。誰擲金錢。○真勝杏花天。香稻盈  
田。風光只在小籬邊。寶屋粧成雖一色。不去爭  
妍。

其二

一徑破籬遮。我就芳葩。淵明何用古今誇。但看

金英開滿砌。便是陶家。○曉起覺寒些。初降霜  
華。此花開後更無花。把玩好圖終日醉。隣甕頻  
賒。

和友人韻

雲樹把郎遮。盼殺兒家。病腰晚起怯輕紗。萬斛  
新愁填滿臆。容幾聲笳。○各在天一涯。耽悞韶  
華。東風吹送雨些些。小院雙扉忙閉上。羞看桃  
花。

詠雪

白糝戶庭堆。掩却寒苔。擁爐微醉卯時盃。一事  
最奇猶記取。興盡舟回。○山路似瑤臺。策蹇人  
來。眉攢肩聳把詩裁。此日肺腸知更冽。句比香  
梅。

其二

三徑玉成堆。冷入殘苔。北風鏖戰未停盃。只怕  
無詩人便俗。凍管呵回。○映徹小樓臺。片片飛

來。六花天女指尖裁。不服輸他香一段。故壓疎梅。

暮行

返。炤射村斜。三兩人家。行行忽被暮雲遮。惆悵  
郭宗昨宿處。林滿歸鴉。○散綺細看霞。城鼓初  
撾。征塵飛上敝裘些。又早見蟾光升樹。映着蘆  
花。

小暑

小暑啜瓜瓢。粗葛衣裳炎蒸窓牖氣初剛。無計遣茲長晝也。茗椀爐香。○深院一垂楊。又聞鳴蜩。簿書堆案使人忙。何不歸與湖水上。做箇漁郎。

野老家

短褐晒晨光。野老顏蒼。門前落葉赤兼黃。不似田家專畜牧。雞犬牛羊。○足跡市廛荒。生長山莊。瓦盆盛酒四隣香。時與兒孫歡笑飲。忘却愁

腸。

驛館夜坐

倦馬攪頭驚。吟逼嘶聲。塵纔淨此荒城。手歛  
木棉裘子內。捫虱聽更。○片月射窓明。風勁弓  
鳴。身經燕趙境中行。慷慨悲歌如一遇。脫贈青  
萍。

其二

茅火擁衾烘。莫泣途窮。騶儻從臥鼓三通。只有

蟾光飛入戶。伴着詩翁。○邊境未銷烽。看劍杯  
雄。宵深無柰督郵空。一束殘書慵去枕。聽打晨  
鐘。

詠菊

黃艷吐秋窮。敢敵西風。一籬相間白和紅。畢竟  
貴黃餘可鄙。此論元公。○霜後暖融融。天外飛  
鴻。綵雲零亂映簾櫳。裁剪想經青女手。簇就芳  
叢。

其二

秋色點庭除。冷落琴書。山林逸士宛瀟疎。我是  
田園荒徑主。偕隱何如。○百鍊老金舒。映着畦  
蔬。編籬護惜日無虛。落月飄雲岑寂後。獨秀霜  
初。

除夕客舍

漏點數過三。臘去如驂。椒花相勸主人酣。只有  
一枚堪下酒。是撫州柑。○風味似僧庵。良夜須



談簾兒外已有春探怪問此身何處着不是江南

夜話

剪燭話周遮客到山家金鷗吹鬢落烏紗好景  
留人深夜醉慢奏城笳○詩酒是生涯說甚榮  
華忙中偷得畧閒些再莫負庭前秋月和那春  
花

青玉案

暑行

熱蟬音節槐中促。槐底賣西禾熟。地坐行人相  
映綠。南雲目斷北窓塵鎖。馬上過初伏。○道傍  
老樹多空腹。耕野農來繫黃犢。唱笛三家村裏  
曲。似嘲似咲。無腔無板。解盡愁腸束。

天仙子

次韻作

望斷雲山終不見。雲山日對樓頭面。憶君沽酒

那人家。他也羨。余也羨。無端剪碎風流片。○杜  
宇啼聲林外勸。心腸那見些兒變。蕭娘一紙料  
空裁。鱗縱便。鴻縱便。不如擲地將書踐。

感皇恩

雨過

凡事却輸人。剛贏一嬾。累月山中深閉。館千峰  
雨過。且把襟披髮散。低徊松樹下。圓如織。○除  
了爐香。拋將茗椀。誰與先生閒作伴。小池萍漲。

野谷流泉添滿。斜陽猶半射長虹晚。

祝友

堪羨阿家翁。松姿竹韻。性與高霞明月近。兒孫  
滿眼。黃卷青燈。教訓怡然。八十載。蟄鹽分。○金  
縷聽歌。霞觴飛醞。年少風情。今日奮靈丹仙草。  
達者繇來不問。南薰剛又解人間愠。

夏日

生事但浮萍。吾家何有。一榻清風靜眠久。槐陰

張幕日午正敲茶白。起來凭曲几。開南牖。○遙想東山。曾留謝傅。千古風流真不朽。池荷香淡。也戴葛巾閒走。無妨隨意酌沽來酒。

過天界寺

山靄水烟兼。悠然蕭寺。到此都將塵想棄。門前掃葉。莫道病僧無事。閒雲剛一縷。撩松翠。○洞口猿窺。垂垂山果。不是經霜怎紅膩。西風如削。亂了穿雲鴈字。今宵禪榻裏。應無寐。

月夜宿半峰菴

一室竹爲之。巧依峰半。老鶴孤僧本相伴。誰教  
飛鏡。靜夜斜窺窓案。清光還掩映。琴書畔。○落  
木無邊。寒莎待盡。試聽鴉驚與虫歎。煮泉燃葉。  
只有新詩堪玩。支公相對久。時將旦。

途次

身世總飄蓬。無端奔走。昨夜微霜變楊柳。黃花  
沿路。借問酒家何有。不堪明日裏。還重九。○北

騎雲黃。南舟風黑。念我生平浪遊久。幾回吟望。  
不見故園朋友。新鴻天外度。遺書否。

春色

春色引籃輿。村村花柳。行到青山入山口。柴扉  
兩扇。怒草陳苔相守。主人渾不見。知爲某。○隔  
水笙簧。疎松細奏。此地從何有塵垢。冠兒暫卸。  
要使清風吹首。還愁玄髻上。霜凝陡。

立秋日

天下隄知秋。崢然一葉。傍晚香羅着輕雪。瓦盆  
紅藕。猶是做花時節。蜻蜒三兩個。補花缺。○爽  
氣侵肌。黑雲催句。今夜蓮房雨中結。涼颼初動。  
便弄幾聲檐鐵。流螢還誘我。將書閱。

除夕

春在曉雞初。佳哉今夕。臘酒缸開濃欲滴。妻兒  
懼笑。永夜尊前同喫。案頭餘一本。看殘曆。○月  
閨寒多。爐存炭盡。從此冰霜想消釋。多情爆竹。



流響頓驚苔壁。燭花留連曙。休輕剔。

祝友

落落古人風。今人絕少。却羨君家好懷抱。青松  
石畔。手撫一株蒼老。年年還細看。池塘草。○錦  
席瑤卮。賓來咄辦。今夕蟾光到庭早。眼前仙境。  
說甚十州三島。看君豪飲後。玉山倒。

永夜

永夜有餘清。飄來野雪。窓裏銀燭半明滅。幽懷

難遣。獨在異鄉爲客。聊依茅火畔。烘衾鐵。○瓦  
白雲黃。小齋似笠。遙聽林間凍鳥舌。芳梅初蕊。  
風緊愁吹枝折。笑年來。生計渾踈拙。

青杏兒

惜花

小雨助春寒。乘薄醉斜倚闌干。梨花一樹飄香  
雪。昨期待雨。明朝怕雨。今日須看。○莫道燕兒  
頑。向花前日日追歡。那知今日偏逢雨。幾番去

也。幾番來也。似恐花殘。

漁家傲

桃源洞

一路桃花風未掃。洞中宛似蓬萊島。聞說安居人已老。迴避好。羸顛劉蹶誰知道。○有客捕魚方撥藻。武陵溪畔煙波浩。豈意僊源能徑造。歸去惱。晴川錦浪回頭杳。

秦淮

五月秦淮爭盪漿。葵榴夾岸河亭賞。鏡展粧樓盤髻樣。波光蕩。巫山一段令人想。○連日南薰頻送爽。闌干內置荷花盞。乳鴨餐萍看漸長。舟來往。玉簫金管中流響。

### 唐多令

#### 次韻作

曉露點殘荷。微風動冷莎。怪菱花昨夜親磨。炤徹愁顏愁轉劇。無氣力。倩人呵。○薄命可如何。

關山阻。問多恨。秋鴻天外頻過。人字空排。人不  
到。須夢裏。盡雙蛾。

汶澗陳氏園亭

汶澗古風烟。園亭景物妍。主人翁。一榻常懸。莫  
道辟疆今已矣。新雨後。竹堪憐。○頻送酒如泉。  
花邊更柳邊。喜林塘鷗鷺翩翩。山靜日長。無个  
事。凭石几。弄琴絃。

卽事

攢碧望中峰。騎驢一笑逢。古村梅雪後香濃。此  
是興來時獨往。渾不見。板橋蹤。○仍理小山筇。  
山僧見客慵。掩柴門。敲響疎鐘。驚得犬聲門外  
吠。餘日色。冷青松。

### 杏花天

#### 本調次稼軒韻

年來習就山中嬾。愛豔杏春園一片。開釭料理  
留人踐。應見明生如翫。○怕明日。落紅含怨。有

甚計將風拘管。昨朝雨洗。臙脂淺。妬殺淡粧人面。

風中柳

芭蕉

葉展陰森。不用避炎空谷。北窓前。扇揮碧玉。王家種竹。陶家栽菊。愛懷僧。綠天爲屋。○洛陽價貴。筆硯徑成高束。賦新詩。折來供錄。風聲驟撲。雨聲相續。夜深時。幽人驚宿。

漫興

說甚前途。便只眼前粗足。俯清流一灣如玉鶯。  
兒遷木。燕兒巢屋。客來時舉尊相屬。○苔文雨  
過。欲上野人衣服。取陶詩高吟細讀。怎于他祿。  
怎邀他福。晝初長且消棋局。



秋佳軒詩餘卷七

金陵易震吉月樵著

濮水南洙源岸覺點

虞美人

泉邊

草窓竹屋烹泉處。家在泉邊住。素瓷甌戰細砂。壺居是唐寅一幅鬪茶圖。○隔簾紅濕榴花吐。幾陣黃梅雨。爐烟莫費水沉熏。正喜紗巾葛服。

潤山雲。

夏景

鳴蛙兩部娛清夏。睡起簾鉤掛。雨聲莫道不分  
明。聽出芭蕉聲裏雜荷聲。○遙天綻破晴霞隙。  
盡檻臨澄碧。菱歌何處泛歸槎。只有蜻蜓羣戲  
水紅花。

偶成

昔年誤向塵中住。冷落青山路。迂疎性易惹人

嫌。闖入白雲堆裏却安恬。○笛聲依約斜陽塢。  
驚起羣鷗羽。一泓秋水點秋蘋。只合垂綸江上  
老閒身。

秋征

西風拂帽思賒酒。鄉竟無何有。寒光一道遠村  
連。不解是雲是水是秋烟。○前途又換峰巒了。  
殘月林端小。住山已作極閒人。何苦別僧騎馬  
入紅塵。

春夜對友

草堂棋子剛敲罷。燭淚紛紛下。既將捫虱榜吾  
庵。便道無風無月也須談。○隱囊欹案清如許。  
宿燕梁間語。共君移坐向花傍。要惹夜深芳露  
染衣香。

入山

巖松靜落紛紛翠。竹杖扶清醉。入山莫道送迎  
空。飛出閒雲便是主人翁。○寒泉一勺幽人據。

滌盡塵凡慮。不巾不櫛坐虛亭。知是日長眠起。  
看茶經。

對茶

雨前忻啜茶芽細。蓬戶連朝閉。松風湯響隔窓  
聽。忘却山翁沉醉屈原醒。○羣峰春染青如畫。  
恰對蕭齋掛。藏身不解去干時。學得當年一絕  
虎頭癡。

晚村

長堤烟養踈慵柳。似咲輪蹄走。忙中領略晚村秋。乍見水牛脊上立沙鷗。○茅菴古道高松倚。我欲行行止。流來澗水出何鄉。爲向僧人借取小瓢嘗。

漫興

奇書好友佳山水。快足千秋矣。一時趣味湊將來。是那清風明月濁醪杯。○園林慣着芒鞋走。瀟散無過柳。時吟時嘯又時歌。總爲人生寂寞。

不堪過。

步蟾宮

初春

淺春真比深春勝。一夜裏草新荒徑。和風拂面  
軟于羅。還搖動梅枝瘦硬。○黃鶯舌本生來佞。  
更兼得柳情花性。不多時便弄聲聲。擬携醉溪  
橋側聽。

友人秋試

要攀天上三秋物。須生就凌空健足。看君氣象  
恁高揚。這蜚去定然衝突。○爭言第一枝尤馥。  
更堆着許多金粟。嫦娥不肯許別人。待君到舉  
花相屬。

宿處

征鞭乍歇。青山暮。却又到林宗宿處。槐梢風攪  
亂如麻。把斜日絆他些住。○村墟幾陣厨烟度。  
嘆孤劍空看客路。幸而小驛嫩香醪。且斟向梨



花一樹。

其二

我何爲是栖栖者。落日裏牛羊群下。黃埃風起。  
暗雙眸。更何事有如田野。○莊周一夢形神灑。  
再休要論真說假。今宵伏枕暫蘧蘧。怕門外五  
更嘶馬。

春遊

花枝要做春模樣。東風裏宏開細放。老夫胸貯

許多愁都飄在酒家旗上。○青旗下有紅裙唱。  
更遊冶與他相傍。興高身擬化黃鸝。便飛入柳  
堤烟浪。

戲爲兒鐵柱

人間幾樹擎天柱。誰似我家中鐵鑄。丈夫老大  
看從前。莫嗤你方纔嬰孺。○壓驚不用官家付。  
空囊有一錢看住。將來輩則徑猓霄。休重走乃  
翁迂路。

咏白香齋

老梅一樹花如雪。這雪却悠然香絕。老天飛下  
雪如花。這花又非常之白。○雪耶花耶休太別。  
好風景故撩詞客。紅爐煨酒白香齋。任題雪題  
梅數闋。

村行

短牆窄屋營黃土。見此地人心猶古。山田漠漠  
水行聲。又聽得遙雞叫午。○道傍石竹花爭吐。

黃蝴蝶兩三飛舞。蒼顏野老飯餘時。把藜杖松  
間閒拄。

送友人還里

送君又是花時節。須要把杯傾壺竭。更誰粧點  
這歸裝。看無數青山遙列。○而今宦海人皆拙。  
風波處有頭如雪。未曾得米便言旋。却贏个腰  
肢不折。

山居九日

重陽忽到如何好。似子美艱難潦倒。雙螯斗酒。  
菊花前。勝南面百城多少。○小樓之上聊舒眺。  
想應當得登高了。若因多病遂無詩。怎相對徑  
荒松老。

### 夜行大雪

寒宵似此須乘興。柰官裏奔馳山徑。兩三吏役。  
裹毡隨。呼行火炤將鞭鐙。○村雞凍殺無聲聽。  
嘆人馬都愁泥濘。便教痛飲困巾車。也應被尖

風刺醒。

其二

吏人嘗語多稱病。然非所論於不佞。高秋已去。  
肺無蘓。若閒散與身相稱。○爲公夜走黃泥徑。  
更風力北來侵脰。思歸一向尙躊躇。到斯際忽  
然拿定。

咏桂花

繁枝細綴黃金米。正秋氣滿空如水。月明露冷。

樹邊行。這真是廣寒宮裏。○西風一夜驚窓紙。  
知飛送沉烟十里。年來異髮不堪薰。也攀折分  
香到指。

醉落魄

客過

佳朋不速。堂前來看新栽竹。主人只把茶經讀。  
彼此忘懷。可笑庖無肉。○畦蔬小摘聊充腹。登  
樓且從雲山目。一行白鳥林端逐。林底孤僧。倚

杖斜觀瀑。

繫裙腰

次韻作

青驄馳去不知旋。臨行輕贈金鞭。何時得似荷  
盤露。碎了還圓。休思後。悔從前。○錦字香牋都  
閣起。却怎奈。寸腸牽。今宵倘遇昨宵月。潛避花  
邊。再無相見。又相憐。

定風波



春日

閉戶堅推一段愁。柰愁不肯去。歸休底事。春風  
來勸酒。花柳留愁。愁不爲余留。○如面如眉。都  
在此。偎倚。滿懷馳驟。許風流。竹葉於吾。偏有分。  
還問。幾時湖上好乘舟。

舟行

書劍陪予一葉中。低篷曳起柳花風。野色更無  
山隔斷。須看遙空雲樹。宛江東。○燕尾故將新

水掠花落飛來數點可憐紅。誰道春歸無覓處。  
間渡。晚烟織草岍頭工。

無題

鎮日陶然入醉鄉。秦淮隄上見吳娘。相識似曾  
佯不拜。春態小鬟立定素腰傍。○笑臉攀花花  
也笑。他道此間咫尺便平康。不厭妾家風味冷。  
君請綺窓烹水正流香。

春在

春在溪頭薺菜花。溪頭人住兩三家。傍柳青旗  
撩醉眼。難免。典衣休問集昏鴉。○俯仰已成陳  
迹矣。杯裏紅光猶映晚峰霞。靜嘯一聲山谷應。  
還聽。娛心數部草池蛙。

拍拍

拍拍滿懷都是春。風光初着柳條新。北海邀來  
酣飲客。攜得東山登去笑歌人。○鶯嘴施朱看  
似血。饒舌。莫教驚起過西隣。今日杏桃開幾本。

紅粉就中知是李花勾。

夏日

茶竈常偎陸羽傍。大瓢小杓野泉香。活火松檐  
須手煮。日午桐陰陰下葛衣涼。○清簟踈簾剛  
睡起。棋子勝雖堪喜敗何妨。敲罷試將吟卷讀。  
還續如年滋味果然長。

秋杪

秋杪楓林萬點紅。霜莎雖薄伏哀虫。酒客偶逢

山簡輩。須醉。黃花爭放小籬東。○花插白頭翁。  
莫晒。帽穩。遊人不信是西風。山外夕陽留一半。  
鴉亂。好將瘦馬載吟翁。

水邊

山水音清異俗腔。臨流新闢小蓬窓。岼柳舞風  
渾不倦。又見。鴨頭波泛打魚艫。○欸乃一聲誰  
屬和。忽過。往來梁燕總雙雙。淹坐有人宜對酌。  
聞說。蒲萄初熟比隣缸。

九日登山

此日秋呈別樣姿。野情饒有菊花癡。籬畔試看黃一片。吟徧商量祇許入陶詩。○眺遠因雲雙目豁。寥濶幾行新鴈落寒颼。莫咲看覓人仔細。真是明年此會總難知。

其二

屋後青山高幾層。節應登眺且登登。細菊香醪都有味。相對兒曹還問盡懽曾。○不可無詩酬

好景冠整。叅軍逸興到今稱。爲想浮名身後事。  
拋棄。看雲明日又烏藤。

其三

山爲人登。氣象豪。年年是日手持螯。濁酒杯斟  
吞一口。重九。仰天脫帽首頻搔。○與爾不須愁  
取用。珍重。天教風月付吾曹。絕頂烟開乘興上。  
騁望。長江飛雪弄秋濤。

其四

登覽難容不醉歌。乾荷瘦葦着秋多。囊底非無  
三百箇。聊坐眼中猶望白衣過。○霜蔬采將杯  
內泛。香淡小山風日尚清和。踈樹向人飛葉葉。  
寒蝶明朝端的有愁麼。

栽梅

要覓寒香伴草廬。手栽忻向雪中鋤。詩趣肯容  
東閣占。幾幹花雖未做已扶疎。○去歲春來渾  
不識。料得從今偵信決無虛。護取南枝尤喫緊。



風凜。祝天聊且息風歟。

平野

平野粘天樹幾行。麥風翻浪似秋涼。一片黃飛  
千萬頃。將暝。田家宛在水中央。○到眼是花皆  
嫵媚。滿地。不知顏色爲誰粧。暫遣旅人愁緒去。  
還遇。山橋茅店酒尊香。

小檐

素紙粘窓几案明。坐來暝色小檐生。雪後梅花

香更徹待月。踈枝應見兩三橫。○石鼎窪尊塵  
外器。樂事山人元自有山情。市國多喧朝亦鬧。  
休道出門誰个不經營。

雲山

雲與山和似有私。山隨雲至杳無知。畢竟雲山  
元莫逆。休息山人端的有雲癡。○臥處衣裳渾  
冷淡。若看仍將枯竹一條支。客過出山非不妙。  
予笑可知雲在意俱遲。

淮上

松竹連雲小徑存。淮流長遶雀羅門。花影低垂  
晴水面。却羨游魚觸藻戲來吞。○插柳年時枝  
尚細。今歲庭開已見綠陰屯。棋響陡驚簾外鳥  
飛了。銜花知到謝家墩。

卽事

細草幽花媚野人。春風偏騁綠楊津。西岫雲霞  
牽晚眺。返炤。美晴浴鷺羽毛新。○與世澹然无

幾戴手采香。芳細洗絕。繡塵。默坐又將佳句索。  
對着水邊初月。倍精神。

無題

梳掠剛完出小簾。落紅鋪徑襯鞋尖。宮髻曉雲  
寧忍亂爲喚。東風休似昨朝嚴。蜂蝶兩三頭。  
上繞真巧髻。花簪處把春添。壓架繁枝行未便。  
釵骨捫枝又露玉纖纖。

夕泛

淡墨輕塗遠岼山。看山舟住綠楊灣。日落鮮衣  
沽美酒。偕友百年今日且娛閒。○鴉陣漸於天  
際滅。昏黑村燈孤出野烟間。擊楫乘風窵何益。  
遥揖前峰新月送人還。

登樓作

江勢雄吞快此樓。千山紅葉秣陵秋。得借斜陽  
扶醉上。聊望遥天孤鴈落蘋洲。○雙髻肯教容  
易變。怕見絲絲細寫作詩愁。隔岼芙蓉今正發。

我恨事無能補  
嬌殺是誰頻系美輕舟。

卽事

生計年來分外疎。一春常寫乞花書。多謝高人  
酬札妙。却道雨中荷鍾爲君鋤。○新艷小簾紅  
灼灼。無約。故人攜酒自過廬。共醉清明好天氣。  
一味寒厨剛只辦溪魚。

春暮

遶舍清流巨壑分。蔬盤久罷市頭葷。春色拋人

何處覓愁極。不知啼鳥欲何去。○白皺紅蕚堆滿砌。無計。暖風猶似弄餘芬。試着短衣騎匹馬。樂也。南山還住故將軍。

初夏泛舟秦淮

淮水新生競美篙。網鱗天氣熟櫻桃。一葉兩三皆舊契。可意。听榴騰焰出枝高。○烟榭風亭都設就。如繡。秣陵山色碧周遭。芳樹午陰搖更密。長日。停舟聊復問村醪。

淮清橋步月

濯魄冰壺此夕新。市橋連袂踏歌人。愛着吳綰  
飛雪豔。瞥見果然微步襪生塵。○孫楚樓高何  
處是。呼去金尊銀燭正酣春。拂面暖風三十里。  
無已也。知吹入杏花頻。

牡丹

醉筆應題第一花。誰將國色殿春華。香霧因風  
騰几案。還看絳霞和日隔窗紗。○富貴不從人



世付何故。開時軒騎小園遮。自是東風工組織。  
翻憶沉香亭北。着楊家。

亭上

亭引遙峰疊翠來。淮流新漲石城隈。水鳥爭飛  
山鳥喚春半。桃花還間李花開。○岍上誰題邀  
邃步。古渡清音一派也悠哉。日午綠陰猶見少。  
煩惱芭蕉應覓數株栽。

元日

柏葉香浮曉燭前。半生心事慙林泉。今歲比昨  
增一歲。知未增年。却是減人年。○步向荒庭何  
所有。梅柳數枝臨水已爭妍。燈月交時春欲開。  
將到好聽花市奏清絃。

### 江樓旅宿

鄉夢江樓一宿生。夜來寒雨散江聲。雙髻可憐  
消客路。都悞頻看青鏡若爲情。○掠水野禽三  
兩箇。衝破烟光歸樹意無驚。坐對雲山難別去。

又遇杏花剛發報清明。

蘓幕遮

夜吟

夜蟾生。松露染。鶴影孤翻。搖下清涼點。酒夢初醒離竹簟。緩步微哦。驚起柴門犬。○句曉佳鬚細撚。子美愁多。聊假伊排遣。剪燭又將新句選。月賸風饒。漫續年時卷。

江城子

九日

人間萬事到秋來。已焉哉。塞鴻哀。老圃春生。只有菊花開。雙屐又爲寒翠引。雖抱病。且登臺。○  
一杯一杯復一杯。坐蒼苔。挽西頰。看取遊人。花  
插滿頭回。稚子似愁余不醉。頻掃葉。把鐫煨。

一剪梅

旅夜

潦倒風塵歲月長。詩愈荒唐。酒愈顛狂。銀蟾霜

裡闌清光。竹影登牆。菊影依房。○孤劍寒燈獨  
倚床。鴈咽衡陽。水咽瀟湘。雲山漠漠路茫茫。盼  
殺蕭娘。愁殺潘郎。

閒適

兩扇柴門碧水灣。從彼風關。任彼雲關。浪遊筇  
底破苔斑。坐向花間。臥向松間。○解悟浮名一  
草菅。朝也登山。暮也歸山。看鷗飛去忽飛還。便  
覺身閒。又覺心閒。

其二

所謂伊人水一方。松底安堂竹外安房。儘饒佳  
趣足徜徉。花雨飛香。烟月飛光。○談詠風流每  
憶將。庾亮之床。李賀之囊。高懷已託醉爲鄉。上  
不知蒼。下豈知黃。

其三

園館今從僻地開。小水悠哉。小石奇哉。雖然景  
物未全該。旋取筠栽。旋棟花栽。○古岸猶存一

樹梅。香過風來。香入衣來。綠陰庭際重徘徊。雨  
浥陳苔。雨促新苔。

春晚

春晚風花一陣過。綠皺池波。紅點山坡。細商生  
事定如何。烟雨披蓑。風日持柯。○身到中年感  
慨多。五噫曾歌。七字堪哦。流光漸看長新荷。蛙  
窟。槲。鼃。魚。沼。資。鷺。

途次有懷

傍晚征途未駐驂。身隔江南。心憶山南。自從峰  
際別孤庵。朝棄烟嵐。夕負晴嵐。○有客臨流把  
句耽。百頃風潭。一片花潭。何時得借錦囊探。聆  
彼高談。快我清談。

行香子

卽事

榴吐紅烟。竹媚清漣。愛吾廬峰後峰前。茶經閱  
罷。活火親煎。有義興壺。天目茗。惠山泉。○外物



何率長日。卻年恁安恬。說甚神仙。客來便款。客去仍眠。伴一爐香。千卷帙。七條絃。

過某君書齋贈

雨意綿綿。草色芊芊。笑君家壁篆。蝸涎。床書連屋。偶展窓編。是五千文。廿一史。十三篇。○沽酒無錢。坐客無瑣。這才名空負多年。人雖欲殺。我見猶憐。蓋飄零時。敏捷處。宛青蓮。

江月晃重山

三月

有酒無鶯不韻。看花得句尤新。村村三月弄青春。  
堤畔柳。偏趁浪遊人。○古屋將苔護壁。小園  
放笋過隣。相逢都戴郭宗巾。晴又雨。今早浥輕  
塵。

小重山

立秋

休說知秋待葉兒。夜來筠簟上。起涼颼。比隣嬾

婦尙如癡。蛩意急。短翅乍喧時。○黃嫩小園葵。  
丹心剛一點。蜜蜂窺。輕羅着雪捲書帷。將七夕。  
應備女牛詩。

曉發

馬上千山夢覺青。征衫隨我慣。似烟輕。柳梢春。  
盡不辭鶯啼兒疾。回首兩三聲。○但願識韓荆。  
青蓮狂士也。亦千名。年來淡却宦遊情。夷然去。  
至論不如清。

十拍子

詠李花

一樹放開春雪。九標絕盡塵埃。此夜或偕陶氏  
出。于今可得老君來。光欺白玉杯。○不共杏摹  
他臉。詎同桃擬他腮。始悟仙根非粉質。惱殺紅  
粧在鏡臺。瓊英莫點苔。

其二

梅蕊雖香忽謝。梨花同色先榮。素朵摘來宜綠

鬢嬌容粧就壓紅英。無言蹙也成。○預擬瓜期  
果美。早看月夜葩明。托出玉人身和腕。元是青  
蓮姓與名。令余詩思生。

漫興

幽徑松烟縷縷。小窓竹韻錚錚。問月且須臨水  
曲。尋花全不計山程。身閒便覺輕。○千古高風  
是隱。一丘野趣離城。賒醉慣通行處債。對奕羞  
同世上爭。春雲屋角生。

其二

野水春深泛鴨。空山夜寂啼鵲。竹節對來元偶。  
爾松根蟠處更蒼然。茶香一縷烟。○從作幽居  
之想。屢叨安枕而眠。緝繅新詞抄卷末。喚取孤  
雲到眼前。都無俗事牽。

菩薩蠻

詠菊

山籬護屋西風觸。幽花相伴幽人獨。霜力巧鎔。

金。一年秋又深。○品紅題綠後。多把伊窮究。而  
我愛陶詩。歌呼罄酒卮。

其二

醉眸忽到秋光圃。金錢百萬慳相賭。端可壓春  
芳。春芳無此黃。○霜風蘆葉亂。休向籬邊戰。重  
九是來朝。登山喜見邀。

其三

黃花枝上飛秋蝶。主弘載酒淵明宅。嶢甲紫經

霜陶陶入醉鄉。○風光誰點綴。紅葉攬其內。簪  
入野人巾。春生鬢髮新。

其四

陶詩鼎鼎爲君重。老人喜向東籬誦。遲萼自生  
妍。堅辭熱客憐。○接離頭上倒。扶醉龍山道。休  
說淡秋容。一年秋正濃。

其五

秋園黃吐秋山紫。騷壇麴社連朝啓。玉笋泛新



英。香。欺。乍。熟。橙。○。顏。齡。能。細。制。知。是。鍾。金。氣。我。  
已。入。中。年。逢。君。每。自。憐。

其六

寒。枝。不。受。山。蜂。開。金。英。向。曉。和。枝。拗。插。入。小。瓶。  
芬。幽。棲。我。共。君。○。苦。遭。羞。見。句。杜。老。何。悲。涕。有。  
意。殿。秋。光。休。來。連。夜。霜。

夜雨滴空階

瀟。瀟。減。却。芭。蕉。裏。踈。踈。又。乏。梧。桐。底。連。夜。颯。西。

風蕉梧葉子空。○庭階塵塹絕。○贏得聲兒徹。孤  
枕不成眠。愁腸被爾牽。

秋郊

蛩聲弄得秋深了。芙蓉強半霜中老。野趣要離  
城。行行重行行。○沙汀鷗鷺立。殘照西風急。一  
水接天長。看舟天上颺。

除夜守歲

年來年去今宵裏。主人迎送匆匆矣。爆竹兩三

聲更長燭愈明。○黃柑兼綠酒。闔宅歡相守。而  
我獨咨嗟。飛騰暮景斜。

無題

湘裙過處蘭芬微。春風揭起纖纖月。按步悄凝  
睛。迴身驚忽飛。○遊絲如有意。好把人兒繫。料  
想蕩春情。竚聽花外鶯。

送春

春來認熟東風面。一春花事茶蘼殿。今日餞東

風。無。花。有。酒。鍾。○風。將。花。斷。送。花。解。留。春。弄。苔。  
砌。落。紅。親。濃。粧。壓。翠。茵。

客維揚

邗江一水舟搖綠。平山雨洗精神出。貧旅乏腰  
資。猶將鶴背騎。○春葩驕剪綵。市裏人爭買。何  
處問瓊花。殘陽古道斜。

登濟寧太白酒樓

風流最想青蓮李。舒州杓子同生死。此地飲知

章乾坤一醉鄉。○我來登且眺。明月高樓照不  
用杜陵哀。佯狂天上來。

閒情

半床書卷琴絃七。五株楊柳簾瓢一。○獨坐萬緣  
空。清風三徑中。○生年寧滿百。千歲憂休設。重  
九合登高。尊前薦兩螯。

途次

嗟來咄去天公意。十年行色無窮已。○書劍敝風

塵。况携書劍人。○殘碑留斷句。驛古苔痕膩。會  
意不須看。多傷行路難。

旅夜

銀燈一點秋窓裏。梧桐葉上三更雨。孤枕夢江  
南。羈情帶酒酣。○鴻聲驚夢斷。炤雨燈光暗。村  
遠不聞雞。門前倦馬嘶。

酌月

半輪明月沉杯底。杯傾月嚙踈胸裏。對月把尊

開人生一快哉。○酒杯終日在。月改陰晴態。沽酒莫辭頻。無爲負月人。

肥鄉曉行

霜華初落肥鄉驛。道傍有棗行人喫。殘月隴頭沉。輕雲送曉陰。○藕花紅欲褪。水淺蒹葭勁。今夕宿南和。秋聲入夜多。

山中

山雲闖入茅齋裏。野情欲共山雲語。閉戶輒經

旬秋陰不褰巾。○蒼苔深一寸。徑僻無人洞。時  
折小窓蕉。題詩走兎毫。

### 梨花怨

驛壁女子三詩有恰似梨花經雨後。可憐零  
落舊時春之句。壁間有作梨花行者。隊服莊  
作梨花怨。調百字令。余賦菩薩蠻三闋。

### 其一

銀蟾帶恨多因缺。朱絃未鼓先愁絕。嬌殺粉香  
姿。恰開風雨時。○梨花寧孟浪。爲把西施葬。今



夜悄無人。郵亭暗送春。

其二

風兒吹落腮兒雪。雨兒打碎心兒血。無那雨風兒。情兒沒半絲。○  
魂兒香不已。恨結枝兒底。嘗對月兒嬌。月兒今夜拋。

其三

紅顏自折天桃比。空嗟妾命廉如紙。更有淡粧人。梨花是後身。○  
殘燈沉院宇。夢斷雲和雨。幽

恨萬千多。三詩書幾何。

阮郎歸

春盡

落英撲面且銜杯。奚奴買酒回。棟花抵死把春催。連朝滿樹開。○鶯舌嬾。蝶情灰。酺時眠野苔。不堪杜宇小山哀。溪頭熟了梅。

送別

離魂不覺黯然消。送君湖上橋。天才人擬阿龍

超今朝便九霄。○杯酒盡玉鞭。○  
搖依依楊柳條。○風和一路想  
驄驕。○春霞杏苑燒。

春陰

春陰一月困詩脾。○春愁無可醫。  
兒童捉絮此其時。○應妨柳岸嬉。  
○花什架笋過籬。○園林展齒移。  
群峰故吐濕烟姿。○人將米畫疑。

登牛首山

青山如舊我來登。○懸巘更幾層。  
得無真住六朝

和自題畫  
僧龕明一點燈。○幽石小露些棱。孤圓望樹升。  
松楸雪色故。侵凌寒村酒價騰。

泛舟秦淮

麥黃天氣爽如秋。聊爲淮上遊。綠陰樹底暫維  
舟。紅裙妬石榴。○觴與詠。總風流。嫩香蓮葉浮。  
新詞忻聽雪兒謳。休誇盧莫愁。

長至日客中曉起

幾番節候換愁中。東窓日又紅。擁衾香覺小梅

通微陽揖惠風。○書齋鼠夢驚鴻。床頭竹葉空。  
不多時便歲云窮。天涯一病翁。

題杞酒聽鵬處

一雙一斗趁春携。花間恰恰啼。細看花下已成  
蹊。遊人到此迷。○芳草色碧還萋。杯傾直抵臍。  
白門烟柳萬家齊。酣歌日易西。

送春

池蛙背上有浮萍。亂紅如雨零。餞春杯酒未堪

醒遙山塗晚青。○易黑者爲星星。母寧放浪形。  
如花人坐小金屏。莫教歌管停。

對雪

袁安臥榻子猷船。而今事尚傳。古來無此兩高  
賢。六花應黯然。○剛竹上。又梅邊。孤茅洩茗烟。  
練光恰映小窓編。作詩還聳肩。

送友人歸

蘆花楓葉老秋光。行人欲問鄉。沙田數畝去鋤

回。况兼多病催。○鴻北去。日西頽。家園二水隈。  
半栽松菊。半栽梅。空教猿鶴陪。

其二

經過江邑見桃花。波光動白沙。啣春燕子去飛  
斜。征鞍獨憶家。○村樹遠。野雲遮。關山路更賒。  
半生事業只浮槎。殘陽點點鴉。

睡起

行厨竟日冷無烟。梅花幸吐妍。解留風月在窓

前窓中有客眠。○瓶是膽石爲拳。覺時彈五絃。  
衆山何事響如泉。漁樵問荅焉。

孤嶺

山人雙屐惹雲烟。山行二月天。桃花零落赴流  
泉。燕泥香酒邊。○慚薄劣。喜幽偏。孤嶺得自全。  
松柴卸下野樵肩。看他枕石眠。

登清涼山懷友

憑高杯借晚涼雄。江天落照中。鍾山一望似飛



虹。佳哉氣鬱葱。○踈竹兩。老梧風。秋來景不同。  
恨無銀鹿寄詩筒。懷人只。一弓。

客至

打門聲攪夢中人。元來欲看筠。松簷晴雪煮茶  
新。和君說話頻。○慵盟櫛。喜吟呻。西風何處塵。  
坐看窻月倍精神。梅花漏洩春。

舟次

大文寧不在茲乎。風行水上初長江。何處得家。

書舟中客意孤。○琴作伴。酒爲徒。新詩一字無。  
賣魚人似手携鱸。令余却憶吳。

醜奴兒令

醉成

生平默飲殊難也。要把花呼。要把花呼。只恐花  
嫌口角粗。○杯兒到手惟愁竭。不把花呼。不把  
花呼。笑粉妖紅欲喚吾。

其二

無愁除是無心也。愁雨愁風。愁雨愁風。心緒如  
麻攪落紅。○恁般苦况難消遣。放在杯中。放在  
杯中。做箇花前瞋睡翁。

其三

酒醒忽報春光去。隻手攔伊。隻手攔伊。蜂蝶紛  
紛笑我癡。○是誰遊賞還呼喚。沒了心思。沒了  
心思。此日啣杯十二時。

其四

年年愁傍秋風起。愛度春天。恰度春天。愁思如  
何密似烟。○貴人自不曾饒得。怕白吾顛。便白  
吾顛。鶴髮垂肩做酒仙。

友人八十初度

君今八十觴生日。滿坐嘻嘻。滿坐嘻嘻。十上吾  
加一撇兒。○猛然想起莊椿樹。自古稱奇。自古  
稱奇。屈指春秋便若斯。

七十初度

君今七十吾來祝。却羨精神。却羨精神。七十還  
如十七人。○琪花瑤草紛如錯。滿眼鮮新。滿眼  
鮮新。不換堂前一大椿。

無題

滔滔愁似門前水。不斷東流。不斷東流。咽石聲  
聲水亦愁。○玄蟬初聽嘶高柳。甚日經秋。甚日  
經秋。昨夜孤帷冷畫樓。

九日四望亭

邀余齊上山頭飲。菊泛香醪。菊泛香醪。賢主今  
朝定姓陶。○繁華六代寒烟裏。故國周遭。故國  
周遭。一片山圍四望高。

舟中

小舟暫爲看山住。將到前灘。流下前灘。輕燕投  
沙點急湍。○一盤棋子消終日。不覺敲殘。且莫  
敲殘。入夜聲兼石溜寒。

春日

踏青楊柳堤邊去。人面桃花。人面桃花。遙指紅樓是妾家。○雙飛燕子剛來到。水滿平沙。水滿平沙。晴碧無波臥晚霞。

### 秋旅

小蛩一箇驚孤枕。便只啾啾。便不啾啾。誰與窓前做弄秋。○聽來如訴還如泣。漏盡應休。漏盡無休。添起羈人向曉愁。

### 漫興

杜陵愁去將詩遣。愁思偏多。愁思偏多。日日裁  
詩又作魔。○新來老子知愁意。一味酣歌。一味  
酣歌。借問愁兮柰我何。

其二

何人間我詩中意。解道無知。解道無知。我把酣  
歌當作詩。○何人問我歌中意。與爾言之。與爾  
言之。要爾裁雲作舞衣。

其三



長安道上行人滿。終日奔波。終日奔波。壞了車。  
兒瘦了騾。○區區只把歌兒唱。對酒當歌。對酒  
當歌。又道人生能幾何。

蟬殼

鳴蟬遺下枯乾殼。一蟻來持。數蟻爭持。他穴奔  
趨恐後時。○聲聲好自娛清夏。那得知之。倘若  
知之。高柳風中笑殺伊。

漫成

不歌將我生愁殺。緩也歌行。短也歌行。此是人  
生一片情。○可知孺子猶然爾。道濯吾纓。試濯  
吾纓。宛聽滄浪水畔聲。

對酒

都言名下無虛士。萬古千秋萬古千秋。身後聲  
施水上漚。○一杯美酒娛今日。醉且休休。醉且  
休休。臥向元龍百尺樓。

上巳

四時最好惟三月。况復初三到了初三。紅白花  
光小院酣。○一年只有春三月。更幾初三。莫負  
初三。曲水流觴作美談。

和友人韻

心中些個新來事。遣去方安。遣去殊難。無奈和  
花只倚闌。○闌干倚遍驚猜起。莫是風酸。莫是  
衣單。一度相思一度寒。

青衫濕

邀笛閣偶成

桓伊嫋嫋胡床弄。高興憶王家。而今人去一灣  
流水。兩岸楊花。○鍾山橫着。畫橋日落。彩舫風  
斜。醉聞鶯喚。猶疑餘韻。飛入窓紗。

憶秦娥

飲梨花下

清明節。梨花一樹將開徹。將開徹。洗粧人至。酒  
杯清絕。○今宵不礙銀蟾黑。黑中顯出層層白。

層層白。一枝帶雨。千紅失色。

朝中措

對友

說山說水話清新。是有意思人。款客自來真率。  
何妨野藪聊陳。○出門一步。渾如月黑。休問前  
津。經濟林泉不乏。與君做個同寅。

喜遷鶯

落葉

經冷露。着微霜。踈樹一宵黃。西風戰退藕花香。  
隄落響空房。○枝初瘦。柯還舊。箇箇鋪階乾透。  
小山當戶。沒遮藏。黛色隱匡牀。

訴衷情

來日清明

今朝鬪草我偏羸。來日又清明。必然粧就桃杏。  
去與那花爭。○楊柳外。玉驄行。咲歌聲。鞦韆高  
打。錦瑟輕攏。都要天晴。

一宿

冷雲壓鴈數行低。日落畫橋西。行行暫駐岐路。  
芳草使人迷。○姑一宿。酒如携。醉如泥。遙鷄觸  
夢。殘月投窓。又促征蹄。

玉聯環

無題

東風不避人兒罵。紅香都謝。鬢鴉思插。向時嬌。  
閒倚小園藤架。○此恨幾時能罷。須將春借。明

朝前意懇天公。怕此事。天公訝。

其二

君平便卜。渾無驗。歸期空念。冰輪載恨滿天推。  
端只爲盈還欠。○說甚桃花人面。羞看孤鑑。縱  
教人面似桃花。花有豔。人無豔。

其三

影兒羞見燈前隻。百虫聲急。苦寒時候。已催人。  
此意懶拈刀尺。○玉指休將腮剔。淚珠常滴。繡



房那得似蓮房。他不空中間蒔。

秋容

秋容欲媚山人目。露筠霜菊。山人端不負秋容。  
鎮日壺觴絲竹。○淺碧粼粼一曲。抱予茅屋住。  
山諸事總無文。頭與樹年來禿。